

1. განსაზღვრებები

მზღვეველი – სს „სადაზღვევო კომპანია ჯი პი აი ჰოლდინგი“.

დაზღვეული – ინდივიდუალური დაზღვევის შემთხვევაში, სადაზღვევო პოლისში მითითებული 70 წლამდე ასაკის პიროვნება, რომლის სიცოცხლე და ჯანმრთელობა დაზღვეულია უბედური შემთხვევისგან წინამდებარე პირობების თანახმად. კოლექტიური დაზღვევის შემთხვევაში, 65 წლამდე ასაკის საწარმოს მუშაკი, სანამ ის იმყოფება ამ საწარმოს კადრების განყოფილების აღრიცხვაზე.

დამზღვევი – სადაზღვევო პოლისში მითითებული ფიზიკური ან იურიდიული პირი, რომელიც მზღვეველთან აფორმებს ხელშეკრულებას.

მოსარგებლე – დაზღვეულის სამკვიდრო მოწმობის მქონე მემკვიდრეები.

უბედური შემთხვევა – თვალსაჩინო გარე ძალების ზემოქმედებით გამოწვეული გაუთვალისწინებელი და უეცარი შემთხვევა, მომხდარი დაზღვევის ხელშეკრულების მოქმედების პერიოდში, პოლისით განსაზღვრულ სადაზღვევო უზრუნველყოფის საათებში, რომელმაც განაპირობა დაზღვეულის სხეულის დაზიანება ან გარდაცვალება.

გადაუდებელი ამბულატორიული მომსახურება – სადაზღვევო პერიოდში აღმოცენებული გარეშე ძალის (ფიზიკური, მექანიკური, თერმული, ქიმიური) ზემოქმედების შედეგად საჭირო გადაუდებელი ამბულატორიული მომსახურების (კლინიკური, ინსტრუმენტული, ლაბორატორიული გამოკვლევებისა და ამბულატორიული მანიპულაციების) ხარჯების ანაზღაურება, პოლისის პირობების შესაბამისად.

დროებითი სრული შრომისუნარობა – უბედური შემთხვევის შედეგად სხეულის დაზიანების/ჯანმრთელობის გაუარესების მიზეზით სრული შრომისუნარობის დადგომით გამოწვეული სახლში ყოფნა. წინამდებარე დაზღვევით დაიფარება მხოლოდ ის პერიოდი, როდესაც დაზღვეულს ესაჭიროება სამედიცინო მკურნალობა, თუმცა ამგვარი პერიოდი არ აღემატება 25 კვირას.

სტაციონარში განთავსება – უბედური შემთხვევის შედეგად სხეულის დაზიანების/ჯანმრთელობის გაუარესების მიზეზით სტაციონარში განთავსება.

სტაციონარში მკურნალობის დღიური ანაზღაურება - უბედური შემთხვევის შედეგად სხეულის დაზიანების/ჯანმრთელობის გაუარესების მიზეზით სტაციონარში გატარებული დღეების ანაზღაურება სადაზღვევო პოლისში მითითებული წლიური სადაზღვევო ლიმიტის ფარგლებში, მაგრამ არაუმეტეს 180 დღისა. სტაციონარში განთავსების დღიური ანაზღაურების ლიმიტი მითითებულია პოლისში.

მუდმივი სრული შრომისუნარობა – მხოლოდ უბედური შემთხვევით და რაიმე სხვა მიზეზისგან დამოუკიდებლად გამოწვეული სხეულის დაზიანება, რომელიც უბედური შემთხვევის დღიდან 6 კალენდარული თვის განმავლობაში გამოიწვევს დაზღვეულის შრომისუნარიანობის სრულ მუდმივ დაკარგვას, როგორც ეს განსაზღვრულია დანართში.

მუდმივი ნაწილობრივი შრომისუნარობა – მხოლოდ უბედური შემთხვევით და რაიმე სხვა მიზეზისგან დამოუკიდებლად გამოწვეული სხეულის დაზიანება, რომელიც უბედური შემთხვევის დღიდან 6 კალენდარული თვის განმავლობაში გამოიწვევს შრომისუნარიანობის ნაწილობრივ მუდმივ დაკარგვას, როგორც ეს განსაზღვრულია დანართში.

გარდაცვალება – უბედური შემთხვევის დღიდან 6 კალენდარული თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეულის გარდაცვალება.

სადაზღვევო შემთხვევა – სადაზღვევო ხელშეკრულებით გათვალისწინებული შემთხვევა, რომლის შედეგადაც წარმოიშვება მზღვეველის ვალდებულება გადაუხადოს დაზღვეულს (მოსარგებლეს). სადაზღვევო პერიოდი – სადაზღვევო პოლისში მითითებული სადაზღვევო ხელშეკრულების მოქმედების პერიოდი.

სადაზღვევო თანხა – პოლისით გათვალისწინებული მზღვეველის პასუხისმგებლობის ლიმიტი, რომლის ფარგლებშიც ხორციელდება სადაზღვევო ანაზღაურების გადახდა.

მიმდინარე სადაზღვევო თანხა – სადაზღვევო შემთხვევის მომენტისათვის, პოლისში მითითებული სადაზღვევო თანხის ნაწილი, რომელიც დარჩა წინა სადაზღვევო შემთხვევების ანაზღაურების შემდეგ.

სადაზღვევო ლიმიტი პიროვნებაზე – ანაზღაურების მაქსიმალური ლიმიტი თითოეულ დასაქმებულზე, შესაბამისი საქმიანობის კლასის მიხედვით, როგორც ეს მითითებულია პოლისში.

სადაზღვევო პრემია – პოლისში მითითებული თანხა, რომელსაც დამზღვევი უხდის მზღვეველს სადაზღვევო უზრუნველყოფაში.

2. პირები, რომლებიც არ ექვემდებარებიან დაზღვევას

1. პირები, რომლებიც მუდმივ მოვლას საჭიროებენ ან რომლებიც ფსიქიურად არიან დაავადებულნი, არ ექვემდებარებიან დაზღვევას და არ ჩაითვლებიან დაზღვეულებად, მათ სასარგებლოდ პრემიის გადახდის პირობებშიც კი.

პირი, რომელიც მუდმივ მოვლას საჭიროებს, გულისხმობს პირს, რომელიც ყოველდღიური საქმიანობის შესრულებისთვის სხვების დახმარებას საჭიროებს.

2. იმ დაზღვეულების მიმართ, რომელნიც აღმოჩნდებიან წინამდებარე მუხლის 1-ლი პუნქტით გათვალისწინებულ მდგომარეობაში ხელშეკრულების დადების შემდეგ, აღნიშნული ხელშეკრულება წყდება ასეთი გარემოებების დადგომის მომენტიდან.

3. ტერიტორიული ფარგლები

სადაზღვევო უზრუნველყოფა ძალაშია მხოლოდ საქართველოს ტერიტორიაზე, თუ სხვაგვარად არ არის მითითებული პოლისში.

4. პირობები

წინამდებარე პირობების თანახმად სადაზღვევო შემთხვევად განიხილება უბედური შემთხვევით გამოწვეული:

- გარდაცვალება
- მუდმივი სრული ქმედითუნარობა
- მუდმივი ნაწილობრივი შრომისუნარიანობა
- მუდმივი სრული შრომისუნარიანობა
- სტაციონარული მკურნალობა

სადაზღვევო უზრუნველყოფა:

- 24 საათი

სადაზღვევო თანხა ერთ დაზღვეულზე შეადგენს 2 000 (ორი ათასი) ლარს

სადაზღვევო ლიმიტი ერთ შემთხვევაზე შეადგენს 20 000 (ოცი ათასი) ლარს

სადაზღვევო თანხა მთლიანობაში შეადგენს 60 000 (სამოცი ათასი) ლარს.

თუ უბედური შემთხვევის შედეგად დაზღვეული განიცდის სხეულის დაზიანებას და ეს დაზიანება გახდება დროებითი შრომისუნარობის. სტაციონარში განთავსების ან მუდმივი სრული ნაწილობრივი შრომისუნარობის მიზეზი, მზღვეველი აუნაზღაურებს დაზღვეულს თანხას სადაზღვევო პოლისში მითითებული სადაზღვევო თანხის ფარგლებში. უბედური შემთხვევის შედეგად დაზღვეულის გარდაცვალების შემთხვევაში სადაზღვევო ანაზღაურება გაცემა მოხდება დაზღვეულის კანონით განსაზღვრულ მემკვიდრე/მემკვიდრეებზე.

5. გამონაკლისები

ეს დაზღვევა არ ფარავს:

- უბედურ შემთხვევამდე არსებულ ფიზიკურ ნაკლებს, ანომალიებს ან დაავადებებს;
- სადაზღვევო პერიოდის დაწყებამდე მომხდარ უბედურ შემთხვევებს;
- ავიაკომპანიის მიერ მგზავრთა ავტომატურ დაზღვევას;
- ავიაკომპანიის თანამშრომლებსა და ეკიპაჟს;
- გემების ეკიპაჟსა და მყვინთავებს;
- კოლექტიურ საფუძველზე მალაროებში მომუშავეებს.

ეს დაზღვევა არ ფარავს გარდაცვალებას ან შრომისუნარობას, რომელიც პირდაპირ ან არაპირდაპირ გამოწვეული ან პროვოცირებული იქნა ან შედეგად მოჰყვა:

- ჩატარებულ ან მიმდინარე მკურნალობას ან ჩარევებს, თუმცა სადაზღვევო დაფარვა ძალაში რჩება, თუ ამგვარი ჩარევა ან მკურნალობა (რადიოდიანოზტიკისა და რადიოთერაპიის ჩათვლით) აუცილებელია უბედური შემთხვევის შედეგად, რომელიც წინამდებარე დაზღვევით იფარება;

- ინფექციებს, თუმცა სადაზღვევო დაფარვა ძალაში რჩება, თუ უბედური შემთხვევის დროს, რომელიც წინამდებარე პოლისით იფარება, მომხდარი დაზიანების შედეგად დაზღვეულის ორგანიზმში ინფექცია შეიჭრა;
- კანის ან ლორწოვანი გარსის უმნიშვნელო დაზიანებები, რომელთა შედეგადაც დაზღვეულის ორგანიზმში მაშინვე ან მოგვიანებით ინფექცია შეიჭრა, არ ჩაითვლება უბედური შემთხვევის შედეგად მიღებულ დაზიანებად, გარდა ცოფისა და ტეტანუსისა;
- მოწამვლას, რომელიც მოყვა დაზღვეულის მიერ თხევადი ან არათხევადი ნივთიერების მიღებას;
- აბდომინალურ ან საზარდულის თიაქარს, თუმცა სადაზღვევო დაფარვა ძალაში რჩება, თუ ამგვარი დაზიანება შედეგად მოყვა ძლიერ გარე ზეგავლენას, რომელიც წინამდებარე პოლისით იფარება;
- მალთაშორისი დისკების დაზიანებას, სისხლდენას შინაგანი ორგანოებიდან და თავის ტვინში სისხლჩაქცევას, თუმცა სადაზღვევო დაფარვა ძალაში რჩება თუ წინამდებარე პოლისით დაფარული უბედური შემთხვევა წარმოადგენს ზემოაღნიშნულის პირველად მიზეზს;
- ორსულობას ან მშობიარობას, იმ შემთხვევაშიც კი, თუ მშობიარობა უბედური შემთხვევით იქნება დაჩქარებული;
- გონებრივ, ფსიქიურ ან ფსიქოსომატურ დარღვევებს (დროებითს ან სხვას);
- დაზღვეულის(თუ ის დამნაშავეა) ყოფნას ალკოჰოლის ან ნარკოტიკების მოქმედების ქვეშ;
- განსაკუთრებული საფრთხის მიმართ შეგნებულ გაუფრთხილებლობას (თუ ეს ადამიანის სიცოცხლის გადარჩენის მიზნით არ ხდება და თუ ეს დადასტურებულია);
- დაზღვეულის თვითმკვლელობას ან ამგვარის მცდელობას, შეგნებულ თვითდაშავებას;
- დაზღვეულის მიერ ჩადენილ დანაშაულს ან მისი ჩადენის მცდელობას;
- დაზღვეულის საჭაერო მგზავრობას, თუ იგი არ არის მგზავრი ან/და არ მგზავრობს რეგულარული/ჩარტერული რეისების შემსრულებელი კომპანიის თვითმფრინავით;
- ბირთვული ენერჯით (ბირთვული რეაქციები, რადიაცია, დაბინძურება), ნებისმიერ დაზიანებას ან დაავადებას, რომელიც პირდაპირ თუ არაპირდაპირ გამოწვეულია ან შედეგად მოყვა ბირთვული საწვავით ან ბირთვული საწვავის აფეთქებით გამოწვეულ იონიზირებულ დასხივებას ან რადიოაქტიულ დაბინძურებას;
- ომს, ინტერვენციას, მტრის მოქმედებებს, საომარ მოქმედებებს (განსაკუთრებით იმისა; გამოცხადებულია თუ არა ომი), სამოქალაქო ომს, აჯანყებას, ნაციონალიზაციას ან კონფისკაციას ნებისმიერი მთავრობის ან მისი დავალებით ან სახელმწიფო თუ ადგილობრივი ხელისუფლების ორგანოს მიერ, ან ნებისმიერი პირების, რომლებიც მოქმედებენ დამოუკიდებლად ან რაიმე ორგანიზაციასთან კავშირში და რომელთა საქმიანობაც მიმართულია დე ფაქტო თუ დე ჯურე მთავრობის გადადგომაზე ან მის ზეგავლენაზე ტერორიზმის თუ ძალადობის მეშვეობით;
- ნებისმიერ ტერორისტულ აქტს;

ტერორისტული აქტი გულისხმობს, მაგრამ არ შემოიფარგლება, პოლიტიკური, რელიგიური, იდეოლოგიური ან ეთნიკური მოტივით სახელმწიფოზე ზეგავლენის მოხდენის მიზნით ან/და

საზოგადოების ან მისი რომელიმე ნაწილის დაშინების მიზნით გამოყენებულ ძალას ან ძალადობას და/ან მუქარას ნებისმიერი პირის ან პირების ჯგუფის მიერ, მიუხედავად იმისა მოქმედებენ ისინი მარტო, თუ რაიმე ორგანიზაციების ან ხელისუფლებების სახელით ან მათთან შეთანხმებულად.

აგრეთვე გამონაკლისს წარმოადგენს ნებისმიერი უბედური შემთხვევა, რომელიც პირდაპირ ან არაპირდაპირ გამოწვეულია ან რაიმე კავშირშია ნებისმიერ ქმედებასთან, რომელიც ჩადენილია ტერორისტული აქტის კონტროლის, ხელშეშლის, აცილების მიზნით ან რაიმე კავშირშია მასთან.

- სანაძლეოს, აკრობატულ ოინებს, ნებისმიერი სახის რეკორდის დამყარებას ან მის მცდელობას და მისთვის მზადებას, თუ სხვაგვარად არ არის მითითებული პოლისში;
- სადაზღვევო ანაზღაურების მიღებაში დაინტერესებული პირის (მოსარგებლის, მემკვიდრის) მიერ, დაზღვეულის წინასწარ განზრახულ მკვლელობას ან მის მონაწილეობას მკვლელობის ორგანიზებაში;
- დაზღვეულის ყოფნას ან მონაწილეობას:
 - - პოლიციის, სამხედრო ფლოტის, ჯარის ან სამხედრო საჰაერო ძალების შემადგენლობაში ან სამხედრო ოპერაციებში, თუ სხვაგვარად არ არის მითითებული პოლისში;
 - უბედური შემთხვევის დადგომის მომენტისათვის, დაზღვეული პიროვნება აღარ იქნება დასაქმებული დამზღვევ საწარმოში.
 - - ზამთრის სპორტის სახეობებში, პროფესიონალურ თუ სამოყვარულო სპორტში, აკვალანგიით ყვინთვაში, კლდეზე ცოცვაში ან ალპინიზმში, სპელეოლოგიაში, დელტაპლანერიზმში, პარაშუტით ხტომაში, ნადირობაში, რაიმე სახის დოღებში ან რბოლებში, თუ სხვაგვარად არ არის მითითებული პოლისში
- მზღვეველის მოთხოვნისამებრ სადაზღვევო თანხის ასანაზღაურებლად აუცილებელი დოკუმენტაციის არასრულყოფილად წარმოდგენის და წინამდებარე ხელშეკრულებით გათვალისწინებული ნებისმიერი პირობის დარღვევის შემთხვევაში.
- ხელშეკრულებით და წინამდებარე დანართით გათვალისწინებული დაზღვეულის/მოსარგებლის ნებისმიერი ვალდებულების დარღვევისას.
- დაზღვეულის ჯანმრთელობასთან, პროფესია/საქმიანობასთან ან სადაზღვევო შემთხვევასთან დაკავშირებული ინფორმაციის ან ნებისმიერი სხვა ინფორმაციის დამალვის ან გაყალბების შემთხვევაში, როგორც დაზღვევის ხელშეკრულების დადებისას ასევე მოქმედების პერიოდში და სადაზღვევო შემთხვევის დადგომის შემდეგაც.

6. სადაზღვევო თანხა და სადაზღვევო ლიმიტი პიროვნებაზე

სადაზღვევო პოლისში მითითებული სადაზღვევო თანხა წარმოადგენს სადაზღვევო ანაზღაურების მაქსიმალურ ლიმიტს, რომელიც შეიძლება გადახდილი იყოს ამ პოლისის მიხედვით.

სადაზღვევო ანაზღაურების გადახდისას, მზღვეველის პასუხისმგებლობა მცირდება გადახდილი თანხების ოდენობით და შემდგომი სადაზღვევო შემთხვევების დადგომისას, ასანაზღაურებელი თანხა მიმდინარე სადაზღვევო თანხიდან გამოითვლება. თითოეულ პიროვნებაზე ანაზღაურების გამოთვლისას, ხდება მიმდინარე სადაზღვევო თანხისა და სადაზღვევო შემთხვევასთან

დაკავშირებული პრეტენზიების მთლიანი მოცულობის გათვალისწინება. თუ სადაზღვევო შემთხვევასთან დაკავშირებული პრეტენზიების მოცულობა მიმდინარე თანხას აღემატება, ანაზღაურება თითოეულ დაშავებულზე შემცირდება მიმდინარე სადაზღვევო თანხის გაცხადებული პრეტენზიების მოცულობასთან შეფარდების პროპორციულად.

ამ პოლისის თანახმად სადაზღვევო ანაზღაურება არ გაიცემა, თუ

- პირველი ან ერთჯერადი პრემიის დროულად გადახდამდე "მზღვეველი" თავისუფლდება თავისი მოვალეობის შესრულებისაგან.
- დაზღვეული დაეზღვია უბედური შემთხვევისაგან სხვა სადაზღვევო კომპანიაში/კომპანიებშიც და ამ დაზღვევის/დაზღვევების ძალაში შესვლის მომენტიდან 3 კვირის განმავლობაში მზღვეველმა არ მიიღო შესაბამისი წერილობითი შეტყობინება;
- დაზღვეულმა შეიცვალა პროფესია ან საქმიანობა და მზღვეველს არ შეატყობინა ამ ცვლილებების შესახებ, ხოლო უკანასკნელს გავლენა ჰქონდა სადაზღვევო შემთხვევის დადგომაზე;
- უბედური შემთხვევის დადგომის მომენტისათვის, კოლექტიური დაზღვევის შემთხვევაში, დაზღვევაზე განცხადებული პიროვნება აღარ იქნება დასაქმებული დამზღვევ საწარმოში.

7. ქმედება უბედური შემთხვევის დროს ნებისმიერი უბედური შემთხვევის დადგომისას

- დაზღვეული ვალდებულია რაც შეიძლება მალე მიმართოს სამკურნალო დაწესებულებას;
- ცნობა უბედური შემთხვევის შესახებ და დაზღვეულის დაშავების მოკლე აღწერა უნდა გაეგზავნოს მზღვეველს უბედური შემთხვევის მომენტიდან 48 საათის განმავლობაში მისამართზე: საქართველო, თბილისი, 0171, მ. კოსტავას ქ. #67; ან მზღვეველის ნებისმიერ ფილიალში
- დაზღვეული/მოსარგებლე ვალდებულია შეავსოს მზღვეველის მიერ მისთვის მიწოდებული ფორმა "პრეტენზია ანაზღაურებაზე" და პრაქტიკულად შესაძლებელ მოკლე ვადაში სადაზღვევო პოლისთან და სხვა საჭირო საბუთებთან ერთად წარუდგინოს ის მზღვეველს.
- უბედური შემთხვევით გამოწვეული ჰოსპიტალიზაციის საჭიროებისას - დაზღვეული, ან სხვა დაინტერესებული პირი, ვალდებულია აღნიშნულის შესახებ დაუყოვნებლივ, მაგრამ არაუგვიანეს 48 საათისა, აცნობოს კომპანიის ცხელ ხაზს, ტელ. : 505 111. შეტყობინება მოიცავს შემდეგ ინფორმაციას : დაზღვეულის სახელი, გვარი, პოლისის ნომერი, სამედიცინო დაწესებულების დასახელება, სამედიცინო დაწესებულებაში მიმართვის დრო. შეტყობინების გარეშე მიღებული სამედიცინო მომსახურების ხარჯები ანაზღაურებას არ ექვემდებარება. ანაზღაურება განხორციელდება კონტრაქტორი სამედიცინო დაწესებულების შემთხვევაში პირდაპირი ანგარიშსწორების გზით, ხოლო სხვა, ლიცენზირებული სამედიცინო დაწესებულებაში მიმართვისას შესაბამისი მომსახურების ხარჯების უნაზღაურდება დაზღვეულს. ანაზღაურებისათვის საჭირო დოკუმენტაცია (სადაზღვევო პოლისი, პირადობის მოწმობა, ფორმა # 100, გადახდის დამადასტურებელი ფინანსურ დოკუმენტაცია - სალაროს ქვითარი, შემოსავლის ორდერი, ანგარიშ-ფაქტურა და დეტალური კალკულაცია) წარმოდგენილ უნდა იქნას « სადაზღვევო კომპანია ჯი პი აი ჰოლდინგის » სერვის ცენტრში სადაზღვევო შემთხვევის დადგომიდან/მომსახურების მიღებიდან 30 დღის განმავლობაში.

• თუ შესაძლებელია, რომ უბედურ შემთხვევას შედეგად მოყვეს დროებითი შრომისუუნარობა ან სტაციონარში მკურნალობა, დაზღვეულმა/დამზღვევმა დაუყოვნებლივ უნდა შეატყობინოს ამის შესახებ მზღვეველს, მაგრამ არაუგვიანეს 48 საათისა სტაციონარში განთავსებიდან/დროებითი შრომისუუნარობის 14 დღიანი მოსაცდელი პერიოდის ამოწურვიდან. თუ დაზღვეულმა/დამზღვევმა ვერ შეასრულა ეს ვალდებულება, ის კარგავს სადაზღვევო პირობების ამ სექციებით განსაზღვრულ ყველა სარგებელს, ხოლო მზღვეველი თავისუფლდება ვალდებულებისგან გადაიხადოს ანაზღაურება დროებითი შრომისუუნარობის/სტაციონარში მკურნალობის დღიური ანაზღაურების მიხედვით.

სადაზღვევო შემთხვევის დადგომისას სადაზღვევო ანაზღაურების გაცემის საკითხის გადასაწყვეტად, მკურნალობის დამთავრებიდან/მუდმივი შრომისუუნარობის დადგომიდან არაუგვიანეს 2 სამუშაო კვირისა, ანაზღაურებაზე პრეტენზიასთან ერთად, მზღვეველს უნდა წარედგინოს შემდეგი საბუთები:

- შრომისუუნარობის ფურცელი სამედიცინო დაწესებულებიდან, სადაც ტარდებოდა მკურნალობა;
- ცნობა სამუშაო ადგილიდან ყოველთვიური ხელზე ასაღები ხელფასის შესახებ;
- სამედიცინო ექსპერტის გადაწყვეტილება დროებითი სრული/მუდმივი სრული/ნაწილობრივი შრომისუუნარობის დადგომის შესახებ;
- ცნობა უბედური შემთხვევის შესახებ;
- სადაზღვევო პოლისის ორიგინალი;
- დაზღვეულის პირადობის მოწმობა (გარდა დაზღვეულის გარდაცვალების შემთხვევისა);
- დოკუმენტი, რომელიც დაადასტურებს მზღვეველისათვის შეტყობინების დროულად გაგზავნის ფაქტს;
- ცნობა გარდაცვალების შესახებ, სამედიცინო დასკვნა გარდაცვალების შესახებ და მოსარგებლის პირადობის მოწმობა (დაზღვეულის გარდაცვალების შემთხვევაში).

საჭიროების შემთხვევაში მზღვეველს უფლება აქვს მოითხოვოს სხვა საჭირო საბუთები.

კოლექტიური დაზღვევის შემთხვევაში, მას შემდეგ რაც მზღვეველის მიერ აღიარებულ იქნება სადაზღვევო შემთხვევა, სადაზღვევო ანაზღაურების მისაღებად მას კანონმდებლობით დადგენილ ვადაში უნდა წარედგინოს მემკვიდრეობის უფლების მოწმობის ორიგინალი და მემკვიდრის პირადობის მოწმობა.

დაზღვეულის გარდაცვალების მიზეზით ანაზღაურებაზე პრეტენზიის შემთხვევაში, გარდაცვლილი დაზღვეულის სხეული უნდა იყოს ამოცნობილი. დაზღვეულის გაუჩინარების შემთხვევა არ განიხილება გარდაცვალებად უბედური შემთხვევის შედეგად.

იმ შემთხვევაში, თუ მზღვეველი თვლის, რომ საჭიროა გარდაცვალების მიზეზის ან შრომისუუნარობის ხარისხის დაზუსტება, მის მიერ მოთხოვნილ ექიმ-ექსპერტს ნება უნდა დაერთოს ჩატაროს დაზღვეულს სამედიცინო გამოკვლევა, ხოლო გარდაცვალების შემთხვევაში ჩატარდეს პათოლოგო-ანატომიური გამოკვლევა. ნებისმიერ შემთხვევაში დამადასტურებელ საბუთებს სამედიცინო ცნობების, ანკეტების, დეკლარაციების, ან სხვა სახით, მზღვეველის მოთხოვნისამებრ დაზღვეული/მოსარგებლე/კანონიერი მემკვიდრე წარმოადგენს საკუთარი ხარჯებით.

8. ანაზღაურების პროცედურა

წინამდებარე პოლისის მიხედვით, ასანაზღაურებელი თანხა შეადგენს:

- დაზღვეულის დროებითი შრომისუუნარობის შემთხვევაში – 14 დღიანის მოსაცდელი პერიოდის შემდეგ - ხელზე ასაღები ხელფასის 70%-ს გაცდენილ დღეებში პირველი 14 დღის გამოკლებით, გაცდენილი დღეების რაოდენობა უნდა შეესაბამებოდეს არსებული დიაგნოზისათვის არსებულ სახელმწიფო სტანდარტებს, მაგრამ არა უმეტეს 25 კვირისა;
- სტაციონარში განთავსების დღიური ანაზღაურების შემთხვევაში – სტაციონარში გატარებული დღეების რაოდენობა გამრავლებული დღეში ასანაზღაურებელი თანხის ლიმიტზე, როგორც ეს განსაზღვრულია პოლისში, მაგრამ არაუმეტეს 180 დღისა/სტაციონარში განთავსების წლიური სადაზღვევო ლიმიტისა. სტაციონარში გატარებული დღეების რაოდენობა უნდა შეესაბამებოდეს არსებული დიაგნოზისათვის არსებულ სახელმწიფო სტანდარტებს;
- დაზღვეულის მუდმივი ნაწილობრივი შრომისუუნარობის შემთხვევაში 6 თვის მოცდის პერიოდის შემდეგ - პიროვნებაზე სადაზღვევო ლიმიტის გარკვეული პროცენტული წილი, როგორც ეს განსაზღვრულია დანართში ტრავმის სიმძიმის მიხედვით;
- დაზღვეულის მუდმივი სრული შრომისუუნარობის შემთხვევაში, 6 თვის მოცდის პერიოდის შემდეგ - პიროვნებაზე სადაზღვევო ლიმიტის 100%, როგორც ეს განსაზღვრულია დანართში;
- დაზღვეულის გარდაცვალების შემთხვევაში – პიროვნებაზე სადაზღვევო ლიმიტის 100%.

სადაზღვევო შემთხვევის მზღვეველისთვის შეტყობინების შემდეგ მოსარგებლე ვალდებულია შეავსოს მზღვეველის მიერ მისთვის მიწოდებული ფორმა "პრეტენზია ანაზღაურებაზე" სადაზღვევო შემთხვევის დადგომიდან არაუგვიანეს ერთი თვის ვადისა და შესაძლებელ მოკლე ვადაში სადაზღვევო პოლისთან და სხვა საჭირო საბუთებთან ერთად წარუდგინოს ის მზღვეველს.

მოსარგებლის მიერ წინამდებარე ხელშეკრულებით დადგენილი ნებისმიერი პირობის, მათ შორის წინამდებარე ხელშეკრულებით გათვალისწინებული დოკუმენტების წარმოუდგენლობის ან ვადების დარღვევის შემთხვევაში მზღვეველი თავისუფლდება თავისი ვალდებულებისაგან ანაზღაურის სადაზღვევო შემთხვევის დადგომით გამოწვეული ზიანი.

მზღვეველს აქვს უფლება ვადის დარღვევის შემთხვევაში მოსარგებლის მოტივირებულ წერილს წარმოდგენის შემთხვევაში იმსჯელოს მოსარგებლის მიერ ვადის დარღვევის ფაქტზე თუ ეს დარღვევა გამოწვეული იყო მხოლოდ დაუძლეველი ძალით.

წერილობითი განცხადებისა და ჩამოთვლილი საბუთების წარდგენისას, მზღვეველი გასცემს ანაზღაურებას ლარში, ანაზღაურების გადახდის დღისთვის არსებული გაცვლითი კურსის მიხედვით.

მოსარგებლის დაზღვეულზე ადრე გარდაცვალების შემთხვევაში სადაზღვევო ანაზღაურების მიღების უფლება გადაეცემა მოსარგებლის მემკვიდრეებს, თუ დაზღვეულმა სხვა მოსარგებლე არ დანიშნა.

დროებითი შრომისუნარობის/სტაციონარში განთავსების წინასწარი ანაზღაურების შემთხვევაში, შემდგომში იგივე უბედური შემთხვევით გამოწვეული მუდმივი ნაწილობრივი ან სრული შრომისუნარობის ასანაზღაურებელი თანხის გამოთვლისას, 100%-ად ითვლება სადაზღვევო შემთხვევისათვის პიროვნებაზე არსებული სადაზღვევო ლიმიტი, მაგრამ ამ ასანაზღაურებელ თანხიდან გამოიქვითება დროებით შრომისუნარობაზე/სტაციონარში განთავსებისას უკვე გადახდილი თანხა.

ამ პოლისის ფარგლებში სრული ასანაზღაურებელი თანხა, შემთხვევების რაოდენობის, სიდიდისა და დაზღვეულის მემკვიდრეების რაოდენობის მიუხედავად, არ აღემატება სადაზღვევო პოლისში მითითებული სადაზღვევო თანხის 100%-ს.

9. სადაზღვევო ანაზღაურების განსაზღვრის წესი

დაზღვეულის გარდაცვალების, მუდმივი სრული შრომისუნარობის ან მუდმივი ნაწილობრივი შრომისუნარობის შემთხვევაში, სადაზღვევო ანაზღაურების ოდენობა გამოითვლება ქვემოთ მოყვანილი პროცენტული წილების მიხედვით, სადაც 100%-ნი ანაზღაურება უდრის მიმდინარე სადაზღვევო თანხას.

კომპენსაციის გეგმა

გარდაცვალება 100%

| | |
|--|------|
| მუდმივი სრული შრომისუნარობა: | 100% |
| მხედველობის სრული დაკარგვა ორივე თვალში | 100% |
| ორივე ყურში სმენის დაკარგვა, ტრავმის შედეგად | 100% |
| ქვედა ყბის მოცილება | 100% |
| მეტყველების უნარის დაკარგვა | 100% |
| ორივე მკლავის ან ორივე მტევნის დაკარგვა | 100% |
| ერთი ზედა და ერთი ქვედა კიდურის დაკარგვა | 100% |
| ერთი ზედა კიდურის და ერთი ტერფის დაკარგვა | 100% |
| ერთი მტევნის და ერთი ტერფის დაკარგვა | 100% |
| ორივე ქვედა კიდურის დაკარგვა | 100% |
| ორივე ტერფის დაკარგვა | 100% |

კიდურების ან ორგანოების დაკარგვა ნიშნავს კიდურის ან ორგანოს ფუნქციის სრულ, მუდმივ მოშლას, ან მათ ფიზიკურ დაკარგვას.

1 მუდმივი ნაწილობრივი შრომისუნარობა

| | |
|--|-----|
| თავი: | |
| თავის ქალას ძელოვანი ქსოვილის დეფექტი: | |
| 6 სმ ² -ზე მეტი ზომით | 40% |
| ზომით 3-6 სმ ² | 20% |
| 3 სმ ² -ზე ნაკლები ზომით | 10% |
| ნახევარი ქვედა ან ზედა ყბის დაკარგვა | 40% |
| მხედველობის დაკარგვა ერთ თვალში | 50% |
| ერთ ყურში სმენის დაკარგვა, ტრავმის შედეგად | 30% |

| ზედა კიდურები | მარჯვენა | მარცხენა |
|--|----------|----------|
| ერთი მკლავის/მტევნის დაკარგვა | 70% | 60% |
| კანკუნთის ნერვის სრული დაზიანება | 20% | 15% |
| მხრის სახსრის ანკილოზი | 40% | 30% |
| იდაყვის სახსრის ანკილოზი | | |
| - ხელსაყრელ პოზიციაში (15 ⁰ ფარგლებში) | 25% | 20% |
| - არახელსაყრელ პოზიციაში | 40% | 35% |
| შუამდებარე ნერვის სრული დაზიანება | 45% | 35% |
| სხივის ნერვის სრული დაზიანება მხრის წნულში | 40% | 30% |
| სხივის ნერვის წინამხრის ნაწილის სრული დაზიანება | 30% | 25% |
| სხივის ნერვის მტევნის ნაწილის სრული დაზიანება | 20% | 15% |
| იდაყვის ნერვის სრული დაზიანება | 30% | 25% |
| მაჯის სახსრის ანკილოზი ხელსაყრელ პოზიციაში (სწორ და პრონაციოს პოზიციაში) | 20% | 15% |
| მაჯის სახსრის ანკილოზი არახელსაყრელ პოზიციაში (მოხრილ ან სუპინაციოს პოზიციაში) | 30% | 25% |
| ცერა თითის დაკარგვა | 20% | 15% |
| ცერა თითის ფრჩხილის ფალანგის დაკარგვა | 10% | 5% |
| ცერა თითის სრული ანკილოზი | 15% | 10% |
| საჩვენებელი თითის დაკარგვა | 15% | 10% |
| საჩვენებელი თითის ორი ფალანგის დაკარგვა | 10% | 8% |
| საჩვენებელი თითის ფრჩხილის ფალანგის დაკარგვა | 5% | 3% |
| შუათითის დაკარგვა | 10% | 8% |
| ნებისმიერი სხვა თითის დაკარგვა | 7% | 3% |
| ნებისმიერი სხვა თითის ფრჩხილის ფალანგის დაკარგვა | 3% | 1% |

თუ დაზღვეული არის ცაცია და ამის შესახებ მან აღნიშნა განაცხადში, ამ შემთხვევაში პროცენტები, რომლებიც შეესაბამება მარჯვენა და მარცხენა ზედა კიდურების დაზიანებას/დაკარგვას იქნება შენაცვლებული.

| ქვედა კიდურები | |
|--|-----|
| ერთი ფეხის დაკარგვა ბარძაყის ქვედა ორი მესამედის ზევით | 70% |
| ერთი ფეხის დაკარგვა ბარძაყის ზედა მესამედის ქვემოთ | 60% |
| ერთი ტერფის დაკარგვა | 45% |
| ბარძაყის ნერვის სრული დაზიანება | 60% |
| დიდი წვივის ნერვის ან მცირე წვივის ნერვის სრული დაზიანება | 30% |
| დიდი წვივის ნერვის და მცირე წვივის ნერვის სრული დაზიანება | 50% |
| მენჯ-ბარძაყის სახსრის ანკილოზი | 40% |
| მუხლის სახსრის ანკილოზი | 20% |
| კვირისტავის ძვლოვანი ქსოვილის დაზიანება, შეზღუდული მოძრაობით მუხლის სახსარში | 40% |
| კვირისტავის ძვლოვანი ქსოვილის დაზიანება, შენარჩუნებული მოძრაობით მუხლის სახსარში | 20% |
| ქვედა კიდურის დამოკლება 5 სმ-ით და მეტი | 30% |
| ქვედა კიდურის დამოკლება 3-5 სმ-ით | 20% |
| ქვედა კიდურის დამოკლება 1-3 სმ-ით | 10% |
| დიდი თითის დაკარგვა | 10% |

| | |
|--|----|
| ნებისმიერი სხვა თითის დაკარგვა | 3% |
| ნებისმიერი სხვა თითის ფრჩხილის ფალანგის დაკარგვა | 1% |

კიდურების ან ორგანოების დაკარგვა ნიშნავს კიდურის ან ორგანოს ფუნქციის სრულ, მუდმივ მოშლას, ან მათ ფიზიკურ დაკარგვას.

ერთდროულად, ერთი სადაზღვევო შემთხვევის შედეგად რამოდენიმე ორგანოს/კიდურის დაკარგვის/დაზიანების შემთხვევაში, სადაზღვევო ანაზღაურების გამოთვლისას, უპირველესად ანაზღაურდება მიმდინარე სადაზღვევო თანხის უდიდესი პროცენტული წილის შესაბამისი თანხა. სხვა ორგანოს/კიდურის დაკარგვასთან დაკავშირებული ანაზღაურება გამოითვლება დარჩენილი თანხიდან (სადაზღვევო ლიმიტი პიროვნებაზე გამოკლებული ეს ანაზღაურებული უდიდესი თანხა).

წყვილი ორგანოების/კიდურების დაკარგვის/დაზიანების შემთხვევაში, მოხდება შესაბამისი პროცენტული წილების შეკრება და სრული ასანაზღაურებელი თანხა შეადგენს პიროვნებაზე ასანაზღაურებელი თანხის ჯამურ პროცენტულ წილს.

ერთ კაცზე გაცემული მთლიანი ასანაზღაურებელი თანხა არავითარ შემთხვევაში არ უნდა აღემატებოდეს სადაზღვევო ლიმიტს პიროვნებაზე. თუ პროცენტული ჯამი არის სადაზღვევო თანხის 100%-ზე მეტი, მზღვეველი ანაზღაურებს სადაზღვევო ლიმიტის 100%.

ანაზღაურების მთლიანი თანხა ამ პოლისის მიხედვით ლიმიტირებულია პოლისში აღნიშნული სადაზღვევო თანხით, დანაკარგების რაოდენობის და თანხის მიუხედავად.

“მზღვეველი”

სს “სადაზღვევო კომპანია ჯი კი აი ჰოლდინგი”

ქ. თბილისი, კოსტავას ქ. 67


გენერალური და ფინანსური დირექტორის

მინდობილი პირი-ჯანმრთელობისა და

სიცოცხლის დაზღვევის ბაზარზე განვითარების

დირექტორი:

_____ /ზესიკ ფესტვენინძე/



“დამზღვევი”

სსიპ საზოგადოებრივი კოლეჯი „ფაზისი“

დირექტორი: ნინო ბაკურაძე

_____ /ნინო ბაკურაძე/

